

12 июня 2018 года

Вторник. Прп. Исаакия исп., игумена обители Далматской.

ВСЕДНЕВНАЯ ВЕЧЕРНЯ

Иерей: Благословен Бог наш всегда, ныне и присно, и во веки веков.**Чтец:** Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святыи Боже, Святыи Крепкий, Святыи Безсмертный, помилуй нас. *Трижды.*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй, *трижды.* Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила, и слава, Отца, и Сына, и Святаго Духа, ныне, и присно, и во веки веков. Аминь.**Чтец:** Аминь.

Господи, помилуй, 12. Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103:

Благослови, душе моя, Господа. Господи, Боже мой, возвеличился еси зело. Во исповедание и в веле лепоту облеклся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя

пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренних Своих, от плода дел Твоих насытится земля. Прозываяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездытса, еродиево жилище предводительствует ими. Горы высокия еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благи, отвращшу же Тебе лице, возмздутса, отымеши дух их, и исчезнут, и в персть свою возвратятся. Послеши Духа Твоего, и созиждутса, и обновиши лице земли. Буди слава Господня во веки, возвеселится Господь о делех Своих, призираяй на землю, и творяй ю трястися, прикасайся горам, и дымятса. Воспою Господеви в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *Трижды.*

ВЕЛИКАЯ ЕКТЕНИЯ.

Диакон: Миром Господу помолимся.

Хор: Господи, помилуй. *(На каждое прошение)*

Диакон: О Свышнем мире и спасении душ наших Господу помолимся.

О мире всего мира, благостоянии Святых Божиих Церквей и соединении всех Господу помолимся.

О святем храме сем и с верою, благоговением и страхом Божиим входящих в онь Господу помолимся.

О Великом Господине и Отце нашем Святейшем Патриарсе Кирилле, *(и о Господине нашем Преосвященнейшем (имя епархиального архиерея))*, честнем пресвитерстве, во Христе диаконстве, о всем причте и людех Господу помолимся.

О Богохранимей стране нашей, властех и воинстве ея Господу помолимся.

О граде сем *(или: о веси сей; если в монастыре, то: о святой обители сей)*, всяком граде, стране и верою живущих в них Господу помолимся.

О благорастворении воздушных, о изобилии плодов земных и временех мирных Господу помолимся.

О плавающих, путешествующих, недугующих, страждущих, плененных и о спасении их Господу помолимся.

О избавитися нам от всякия скорби, гнева и нужды Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебѣ, Гѳсподи.

Иерей: Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков.

Хор: Аминь.

Чтец читает кафизму:

КАФИЗМА ШЕСТАЯ

Псалом 37

Гѳсподи, да не яростию Твоею обличиши мене, ниже гневом Твоим накажеша мене. Яко стрѣлы Твоя унзѳша во мне, и утвердил еси на мне руку Твою. Нестъ исцелѣния в плѳти моей от лица гнева Твоего, несть мира в костѳх моих от лица грѳх моих. Яко беззакѳния моя превзыдѳша главу мою, яко бремя тяжкое отяготѳша на мне. Возсмердѳша и согниѳша раны моя от лица безумия моего. Пострадах и слякохся до конца, весь день сетуя хождах. Яко лядвия моя наполнишася поруганий, и несть исцелѣния в плѳти моей. Озлоблен бых и смирихся до зела, рыках от въздыхания сердца моего. Гѳсподи, пред Тобою все желание мое и въздыхание мое от Тебѣ не утайся. Сердце мое смятѳся, остави мя сила моя, и свет очию моею, и той несть со мною. Друзи мои и искрени мои прямо мне приближися и стаѳша, и ближнии мои

отдалече мене стáша и нуждахуся ищущии дúшу мою, и ищущии злáя мне глаго́лаху сýетная и льстíвным весь день поучáхуся. Аз же я́ко глух не слы́шах и я́ко нем не отверза́й уст сво́их. И бых я́ко человек не слы́шай и не имы́й во устéх сво́их обличéния. Яко на Тя, Гóсподи, упова́х, Ты услы́шиши, Гóсподи Бóже мой. Яко рех: да не когда́ пора́дуют ми ся врази́ мой: и внегда́ подвижа́тися нога́м мо́им, на мя велерече́ваша. Яко аз на ра́ны гото́в, и болéзнь моя́ предо мно́ю есть вы́ну. Яко беззакóние моё́ аз возвещу́ и попеку́ся о гресé моём. Врази́ же мой живúт и укрепíшася па́че мене́, и умно́жишася ненави́дящие мя без правды. Воздаю́щие ми злáя возблагáя оболга́ху мя, занé гоня́х благосты́ню. Не оста́ви мене́, Гóсподи Бóже мой, не отступи́ от мене́. Вонми́ в по́мощь мою́, Гóсподи спасéния моего́.

Псалом 38

Рех: сохраню́ пути́ моя́, е́же не согрешáти ми язы́ком мо́им: положи́х усто́м мо́им храни́ло, внегда́ востáти грéшному предо мно́ю. Онемéх и смири́хся, и умолча́х от благ, и болéзнь моя́ обновíся. Согрeяся сeрдце моё́ во мне, и в поучéнии моём разгорíтся огонь. Глаго́лах язы́ком мо́им: скажи́ ми, Гóсподи, кончи́ну мою́ и число́ дней мо́их, ко́е есть? Да разумéю, что лишáюся аз? Се пýди положи́л еси́ дни моя́, и соста́в мой я́ко ничто́же пред Тобóю, обáче вся́ческая суетá всяк человек живы́й. У́бо о́бразом хóдит человек, обáче всýе мятéтся: сокрови́ществует, и не весть, кому́ соберёт я́. И ны́не кто терпéние моё́, не Господь ли? И соста́в мой от Тебé есть. От всех беззакóний мо́их изба́ви мя, поношéние безумному́ дал мя еси́. Онемéх и не отверзо́х уст мо́их, я́ко Ты сотвори́л еси́. Отста́ви от мене́ ра́ны Твоя́: от крeпости бо руки́ Твоея́ аз исчезóх. Во обличéниях о беззакóнии наказáл еси́ человека́ и истáял еси́, я́ко паучíну, дúшу его́: обáче всýе всяк человек. Услы́ши моли́тву мою́, Гóсподи, и моление́ моё́ внуши́, слез мо́их не премолчи́: я́ко пресельник аз есмь у Тебé и пришлeц, я́коже вси отцы́ мой. Осла́би ми, да почи́ю, прeжде да́же не отиду́, и ктому́ не бóду.

Псалом 39

Терпя́, потерпéх Гóспода, и внят ми, и услы́ша моли́тву мою́. И возведé мя от рóва страстéй, и от брeния тины́, и поста́ви на ка́мени но́зе мой, и исправи́ стопы́ моя́, и вложи́ во уста́ моя́ песнь но́ву, пéние Бóгу нашему́. Узрят мно́зи и убо́ятся, и упова́ют на Гóспода. Блажен муж, е́му́же есть и́мя Господне́ упова́ние его́, и не призре́ в суеты́ и неистовлeния лóжная. Мно́га сотвори́л еси́ Ты, Гóсподи, Бóже мой, чудеса́ Твоя́ и помышлeнием Тво́им несть кто уподóбится Тебé: возвестíх и глаго́лах, умно́жишася па́че числа́. Жéртвы и приношéния не восхотéл еси́, тeло же сверши́л ми еси́, всесо́жжений и о гресé не взыска́л еси́. Тогда́ рех: се прииду́, в главíзне кни́жне пи́сано есть о мне: е́же сотворíти во́лю Твою́, Бóже мой, восхотéх, и за́кон Твой посреде́ чрeва моего́. Благовестíх правду́ в цeркви вели́цей, се устна́м мо́им не возбраню́: Гóсподи, Ты разумéл еси́. Правду́ Твою́ не скрых в сeрдце моём, и́стину Твою́ и спасéние Твое́ рех, не скрых мило́сть Твою́ и и́стину Твою́ от со́нма мно́га. Ты же, Гóсподи, не удали́ щедрóт Тво́их от мене́: мило́сть Твоя́ и и́стина Твоя́ вы́ну да

заступите мя. Яко одержаша мя злая, имже несть числа, постигоша мя беззакония моя, и не возмогох зрети, умножишася паче влас главы моея, и сердце мое остави мя. Благоволи, Господи, избавити мя: Господи, во еже помощи ми вонми. Да постыдятся и посрамятся вкупе ищущии душу мою изъяти ю, да возвратятся вспять и постыдятся хотящии ми злая. Да примут абие студ свой глаголющии ми: благоже, благоже. Да возрадуются и возвеселятся о Тебе вси ищущии Тебе, Господи, и да рекут вину: да возвеличится Господь, любящии спасение Твое. Аз же нищ есмь и убог, Господь попечется о мне. Помощник мой и Защититель мой еси Ты, Боже мой, не закосни.

Слава Отцу и Сыну и Святому духу.

ХОР: И ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. *(Трижды)*

Господи помилуй. *(Трижды)*.

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 40

Блажен разумевай на нища и убога, в день лют избавит его Господь. Господь да сохранит его и живит его, и да ублажит его на земли, и да не предаст его в руки врагов его. Господь да поможет ему на одре болезни его: все ложе его обратил еси в болезнь его. Аз рех: Господи, помилуй мя, исцели душу мою, яко согреших Ти. Вразии мои реша мне злая: когда умрет и погибнет имя его? И вхождаше видети, все глаголаше сердце его, собрав беззаконие себе, исхождаше вон и глаголаше вкупе. На мя шептаху вси вразии мои, на мя помышляху злая мне. Слово законопреступное возложиша на мя: еда спяй не приложит воскреснути? Ибо человек мира моего, на негоже уповах, ядый хлеба моя, возвеличи на мя записание. Ты же, Господи, помилуй мя и возстави мя и воздам им. В сем познах, яко восхотел мя еси, яко не возрадуется враг мой о мне. Мене же за незлобие приял и утвердил мя еси пред Тобою в век. Благословен Господь Бог Израилев от века и до века: буди, буди.

Псалом 41

Имже образом желает елень на источники водные, сие желает душа моя к Тебе, Боже. Возжада душа моя к Богу Крепкому, Живоуму: когда прииду и явлюся лицу Божию? Быша слезы моя мне хлеб день и ночь, внигда глаголатися мне на всяк день: где есть Бог твой? Сия помянух и излих на мя душу мою, яко пройду в место селения дивна, даже до дому Божия, во главе радования и исповедания шума празднующаго. Вскую прискорбна еси, душе моя? И вскую смущаеши мя? Уповай на Бога, яко исповемся Ему, спасение лица моего, и Бог мой. Ко мне самому душа моя смятется: сего ради помянух Тя от земли Иордански и Ермонийски, от горы малыя. Бездна бездну

призывáет во глáсе хлйбйй Твойх, вся высоты́ Твоя́ и во́лны Твоя́ на мне преидо́ша. В день заповéсть Господь мйлость Свою, и но́щию песнь Его от менé, мо́лтва Богу животá моего́. Реку́ Бо́гу: Засту́пник мой еси́, почто́ мя забы́л еси́? И вску́ю се́туя хожду́, внегда́ оскорбля́ет враг? Внегда́ сокруша́тися костём моём, поноша́ху ми врази́ мой, внегда́ глаго́лати им мне на всяк день: где есть Бог твой? Вску́ю приско́рбна еси́, душе́ моя́? И вску́ю смуща́еши мя? Упова́й на Бо́га, я́ко испове́мся Ему, спасéние лица́ моего́, и Бог мой.

Псалом 42

Суди́ ми, Бо́же, и разсуди́ прю мою́, от язы́ка непреподо́бна, от челове́ка непра́ведна и льсти́ва изба́ви мя. Занé Ты еси́, Бо́же, Кре́пость моя́, вску́ю отрёнул мя еси́? И вску́ю се́туя хожду́, внегда́ оскорбля́ет враг? Посли́ свет Твой и й́стину Твою́, та мя наста́виста и введо́ста мя в го́ру святую́ Твою́ и в селéния Твоя́. И вни́ду к жёртвеннику Бо́жию, к Бо́гу веселя́щему ю́ность мою́, испове́мся Тебе́ в гуслех, Бо́же, Бо́же мой. Вску́ю приско́рбна еси́, душе́ моя́? И вску́ю смуща́еши мя? Упова́й на Бо́га, я́ко испове́мся Ему, спасéние лица́ моего́, и Бог мой.

Слава Отцу и Сыну и Святому духу.

ХОР: И ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. *(Трижды)*

Господи помилуй. *(Трижды)*.

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 43

Бо́же, уш́има на́шими услы́шахом, и отцы́ на́ши возвести́ша нам де́ло, е́же соде́лал еси́ во днех их, во днех дрéвних. Рука́ Твоя́ язы́ки потреби́, и насадил я́ еси́, озло́бил еси́ лю́ди и изгна́л еси́ я́. Не бо мечём своим наслéдиша зéмлю, и мы́шца их не спáсе их, но десни́ца Твоя́, и мы́шца Твоя́, и просвещéние лица́ Твоего́, я́ко благоволил еси́ в них. Ты еси́ Сам Царь мой и Бог мой, заповéдаяй спасéния Иа́ковля. О Тебе́ враги́ на́ша избодём ро́ги, и о й́мени Твоём уничи́жим востаю́щыя на ны. Не на лук бо мой упова́ю, и мечь мой не спасёт менé. Спасл бо еси́ нас от стужа́ющих нам, и ненави́дящих нас посрамы́л еси́. О Бо́зе похва́лимся весь день и о й́мени Твоём испове́мся во век. Ны́не же отрёнул еси́ и посрамы́л еси́ нас, и не изы́деши, Бо́же, в си́лах на́ших. Возврати́л еси́ нас вспя́ть при вразéх на́ших, и ненави́дящии нас расхища́ху себе́. Дал еси́ нас я́ко о́вцы снéди, и во язы́цех разсе́ял ны еси́. Отда́л еси́ лю́ди Твоя́ без цены́, и не бе мно́жество в восклицáниях на́ших. Положи́л еси́ нас поноше́ние сосéдом на́шим, подражéние и поругáние сущым о́крест нас. Положи́л еси́ нас в притчу во язы́цех, покива́нию главы́ в лю́дех. Весь день срам мой предó

мною есть, и студ лица моего покрѣ мя от гласа поношающаго и оклеветашающаго, от лица вражия и изгонящаго. Ся вся приидоша на ны, и не забыхом Тебѣ, и не неправдовахом в завете Твоем. И не отступѣ вспять сердце наше, и уклонил еси стезѣ наша от путѣ Твоего. Яко смирил еси нас на месте озлобления, и прикрѣ ны сень смертная. Аще забыхом имя Бога нашего и аще воздыхом руки наша к богу чуждѣму. Не Бог ли възыщет сих? Той бо вѣсть тайная сердца. Зане Тебѣ ради умерщвляемся весь день, вменихомся яко овцы заколения. Востани, вскую спиши, Господи? Воскресни и не отрини до конца. Вскую лице Твое отвращаеши? Забываеши нищету нашу и скорбь нашу? Яко смирился в персть душа наша, прильпе земли утроба наша. Воскресни, Господи, помози нам и избави нас имене ради Твоего.

Псалом 44

Отрѣгну сердце мое слово благо, глаголю аз дела моя царѣви: язык мой трость книжника скорописца. Красен добротою паче сыновъ человеческих, излился благодать во устнахъ Твоихъ, сего ради благослови тя Бог во век. Препояши мечъ Твой по бедре Твоей, Сильне. Красотою Твоею и добротою Твоею, и наляцы, и успевай, и царствуй истины ради и кротости, и правды, и наставит Тя дивно десница Твоя. Стрѣлы Твоя изощрены, Сильне, людие под Тобою падут в сердца врагъ царевыхъ. Престолъ Твой, Боже, в векъ века: жезлъ правости, жезлъ Царствия Твоего. Возлюбил еси правду и возненавидел еси беззаконие, сего ради помаза Тя, Боже, Богъ Твой елеемъ радости, паче причастникъ Твоихъ. Смирна и стакти и кассиа от ризъ Твоихъ, от тяжестей слоновыхъ, из нихже возвеселиша Тя. Дщери царей в чести Твоей, предста Царица одесную Тебѣ, в ризахъ позлащенныхъ одѣяна преиспещрена. Слыши, Дщи, и виждь, и приклони ухо Твое, и забуди люди Твоя, и домъ отца Твоего. И возжелаетъ Царь доброты Твоея: зане Той есть Господь Твой и поклонишися Ему. И дщи Тирова с дары, лицу Твоему помолѣтся богатию людстии. Вся слава Дщере Царевы внутрь, рясны златыми одѣяна и преиспещрена. Приведутся Царю дѣвы в следъ ея, искренния ея приведутся Тебѣ. Приведутся в веселии и радовании, введутся в храмъ Царевъ. Вместо отецъ твоихъ быша сынове твои: поставиши я князи по всей земли. Помяну имя Твое во всякомъ роде и роде. Сего ради людие исповѣдятся Тебѣ в векъ и во векъ века.

Псалом 45

Богъ намъ Прибѣжище и Сила, Помощникъ в скорбехъ, обрѣтшихъ ны зело. Сего ради не убоймся, внигда смущается земля и прелагаются горы в сердца морская. Возшумѣша и смятошася воды ихъ, смятошася горы крепостию Его. Речная устремления веселятъ градъ Божий: освятилъ есть селение Свое Вышний. Богъ посреде его, и не подвижится: поможетъ ему Богъ утро заутра. Смятошася языцы, уклонишася царствия: даде гласъ Свой Вышний, подвижется земля. Господь силъ с нами, Заступникъ нашъ Богъ Иаковль. Приидите и видите дела Божия, яже положи чудеса на земли: отъемля брани до конецъ земли, лукъ сокрушитъ и сломитъ оружье, и щиты сожжетъ огнемъ. Упразднитеся и

разумейте, яко Аз есмь Бог: вознесуся во языцех, вознесуся на земли. Господь сил с нами, Заступник наш Бог Иаковль.

Слава Отцу и Сыну и Святому Духу и ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. *(Трижды)*.

МАЛАЯ ЕКТЕНИЯ.

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава, и Твое есть Царство, и сила и слава, Отца, и Сына, и Святаго Духа, ныне и присно, и во веки веков.

Хор: Аминь.

СТИХИРЫ НА ГОСПОДИ ВОЗЗВАХ

Канонарх: Глас 1, Господи, воззвах к Тебе, услыши мя.

Хор: Господи, воззвах к Тебе, услыши мя./ Услыши мя, Господи./ Господи, воззвах к Тебе, услыши мя:/ вонми гласу моления моего,/ внегда воззвати ми к Тебе.// Услыши мя, Господи.

Да исправится молитва моя,/ яко кадило пред Тобою,/ воздеяние руку мою/ – жертва вечерняя.// Услыши мя, Господи.

На 6. Стих: **Аще беззакония назириши, Господи, Господи, кто постоит?/ Яко у Тебе очищение есть.**

Все житие мое срамно изжих, Господи,/ со блудницами окаянный,/ якоже блудный умилением зову:/ Отче Небесный, согрехих, очисти и спаси мя,/ и не отрини мене, самого себе от Тебе удалившаго,/ и бесплодных ради дел ныне обнищавшаго.

Стих: **Имене ради Твоего потерпех Тя, Господи, потерпе душа моя в слово Твое,/ упова душа моя на Господа.**

Обнищав богат сый Христэ,/ человеки обогатил еси безсмертием и светлостию./
Темже обнищавша мя сластми житейскими,/ добродетельми обогати,/ и с нищим
Лазарем учини мя,// богатаго мучения изымая мя и геенны подлежащая ми.

На 4. Стих: **От стражи утренния до ноши, от стражи утренния, да уповаёт
Израиль на Господа.**

Злобою обогатихся люте,/ и пищу возлюбих,/ и в житии восприях благая Господи,/ и в
геенну осужден бых:/ глэднующий ум мой, яко Лазаря презрех,/ пред враты
Божественных Твоих деяний повержен,// ущедри мя Господи.

Глас той же, Стих: **Яко у Господа милость, и многое у Него избавление,/ и Той избавит Израиля от всех беззаконий его.**

Райския доброты зря,/ и богато наслажда нетленных цветец,/ прозябл еси миру
разум Божий:/ ему же причащесея, преподобне,/ духовною любовью,// души
возрастим, Исаакие.

На 2. Стих: **Хвалите Господа вси языцы, похвалите Его вси людие.**

Воздержанием тело ограждь,/ страстная движения умертвил еси, отче,/ молитвами и
бденими./ Темже яже в тебе/ духовная сила осенивши,// покажя ты мысленна
свещильника и всемирна.

Стих: **Яко утвердися милость Его на нас, и истина Господня пребывает во век.**

Монашеское житие ты уяснил еси,/ от пустыни, отче, возсияв граду,/ якоже солнце./
Темже верныя учения твоими просветил еси,/ благословити Отца, и Сына, // и Духа
Единосущнаго.

Слава и ныне, глас той же.

Нравом гнилым попользся, ниц лежу/ и к Твоей, Дево, притекаю тишине:/ от бури
сопротивных/ и искушений многообразных мя избави,/ да пою Твою благодать
непрестанно, // Богородице, Мати Приснодево.

Хор: Свете Тихий святых славы / Безсмертнаго Отца Небеснаго, / Святаго,
Блаженнаго, Иисусе Христэ! / Пришедше на запад солнца, / видевше свет вечерний, /
поём Отца, Сына и Святаго Духа, Бога. / Достоин еси во вся времена пет быти гласы
преподобными, / Сыне Божий, живот дай, // темже мир Тя славит.

Диакон: Вонмем.

Иерей: Мир всем.

Хор: И духови твоему.

Диакон: Премудрость вонмем.

Прокімен, глас 4: Господь услышит мя, внегда воззвати ми к Нему.
Стих: Внегда призвати ми, услыша мя Бог правды моя.

Хор:

В понедельник, гл 4:

Музыкальный фрагмент для хора, состоящий из двух систем нот (верхняя — тенор, нижняя — бас). Под нотами приведены русские слова: Го - сподь у - слы - шит мя внег - да - воз - зва - ми к не - му.

10

Чтец: Сподоби, Господи, в вечер сей без греха сохранитися нам. / Благословен еси, Господи Боже отец наших, / и хвально, и прославлено Имя Твое во веки. Аминь. / Будь, Господи, милость Твоя на нас, якоже уповахом на Тя. / Благословен еси, Господи, научи мя оправданием Твоим. / Благословен еси, Владыко, вразуми мя оправданием Твоим. / Благословен еси, Святыи, просвети мя оправданием Твоим. / Господи, милость Твоя во век, дел рук Твоих не презри. / Тебе подобает хвала, Тебе подобает пение, / Тебе слава подобает, Отцу и Сыну и Святому Духу, // ныне и присно и во веки веков. Аминь.

ЕКТЕНИЯ ПРОСИТЕЛЬНАЯ

Диакон: Исполним вечернюю молитву нашу Господеви.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Вечера всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезненны, непостыдны, мирны и добраго отвѣта на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебе, Господи.

11

Иерей: Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы наша Господеви приклоним.

Хор: Тебе, Господи.

Иерей: Буди держава Царствия Твоего благословена и препрославлена. Отца и Сына и Святаго Духа, ныне и присно и во веки веков.

Хор: Аминь.

СТИХИРЫ НА СТИХОВНЕ

Глас 1

Яко пучина многа прегрешений моих Спасе,/ и люте погружаюсь согрешеньми моими,/ даждь ми руку, яко Петрови, // и спаси мя Боже, и помилуй мя.

Стих: К Тебе возведох очи мой, живущему на небеси, се яко очи раб в руку господий своих, яко очи рабыни в руку госпожи своей, тако очи наши ко Господу Богу нашему, дондеже ущедрит ны.

Яко в помышлениях лукавых и в делах осудихся Спасе,/ мысль мне даруй обращения Боже, да зову Ти: // спаси мя Благодетелю Благий, и помилуй мя.

Стих: Помилуй нас Господи, помилуй нас, яко по многу исполнихомся унижения: наипаче наполнися душа наша поношения гобзующих, и унижения гордых.

Мученичен: Еже на судищи ваше исповедание святии,/ демонов оплева силу,/ и от прелести человеки свободи./ Темже и главам усекаемым, взываєте:/ да будет Господи,

жертва душ наших благоприятна пред Тобою,/ яко Тебе возлюбивше,// нерадихом о временной жизни, Человеколюбче.

Слава и ныне, глас той же

Деве Всепетая,/ юже в Тебе тайну Моисей пророческима виде очима,/ купину горящу и неопаляему:/ Божества бо огонь утробу Твою Чистая, не опали./ Темже молим Тя яко Матерь Бога нашего,// мир испросити миру, и велию милость.

12

Чтец: Ныне отпускаеши раба Твоего, Владыко,/ по глаголу Твоему, с миром;/ яко видеста очи мои спасение Твое,/ еже еси уготовал пред лицом всех людей,/ свет во откровение языков,// и славу людей Твоих Израиля.

Святый Боже, Святый Крепкий, Святый Безсмертный, помилуй нас. *Трижды.*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, *трижды.* Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Хор: Аминь.

Хор глас 8:

В тебе, отче, известно спасеся еже по образу: / прием бо крест, последовал еси Христу,/ и дея учил еси презирати убо плоть, преходит бо, / прилежати же о души, вещи безсмертней. / Темже и со ангелы срадуется, преподобне Исаакие, дух твой.

Слава и ныне, глас 8:

Недвижимое утверждение веры,/ и честный дар душ наших /Богородицу песнями величаем вернии: /радуйся, Камень Жизни во чреве Твоем вместившая. /Радуйся, концей надеждо, скорбящих заступление.// Радуйся Невесто Невестная.

СУГУБАЯ ЕКТЕНИЯ.

Диáкон: Помíлуй нас, Бóже, по вели́цей мíлости Твоёй, мо́лим Ти ся, услы́ши и помíлуй.

Хор: **Господи, помилуй.** *(Трижды на каждое прошение)*

Диáкон: Ещё мо́лимся о Вели́ком Госпо́дне и Отце́ нашем Святе́йшем Патриáрхе Кири́лле, *(и о Госпо́дне нашем Высокопреосвященнейшем митрополи́те (или: архиепи́скопе, или: преосвященнейшем),* и всей во Христе́ бра́тии на́шей.

Ещё мо́лимся о Богохрани́мей стране́ на́шей, власте́х и во́инстве ея́, да тíхое и безмо́лвное жити́е поживе́м во вся́ком благоче́стии и чистоте́.

Ещё мо́лимся о блаже́нных и приснопа́мятных создáтелех свята́го хра́ма сегó, и о всех преждепочи́вших отце́х и бра́тиях, zde лежа́щих и повсю́ду, правосла́вных.

Ещё мо́лимся о мíлости, жи́зни, ми́ре, здра́вии, спасе́нии, посеще́нии, прощeнии и оставле́нии грехóв рабóв Бóжиих настоя́теля, бра́тии и прихóжан свята́го хра́ма сегó.

Ещё мо́лимся о плодонося́щих и добродeющих во свята́м и всечестнeм хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богáтыя мíлости.

Иерей: Яко Мíлостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прíсно и во ве́ки веко́в.

Хор: **Аминь.**

Диáкон: Премúдрость.

Хор: **Благослови.**

Иерей: Сый благословeн Христóс Бог наш, всегда́, ны́не и прíсно и во ве́ки веко́в.

Хор: **Аминь. Утверди́, Бóже, святу́ю правосла́вную ве́ру, правосла́вных христиáн во век ве́ка.**

Если утренняя не присоединяется, то поется окончание вечерни:

Иерей: Пресвята́я Богорóдице, спаси́ нас.

Хор: **Честнейшую Херувím и Сла́внейшую без сравне́ния Серафím, / без ислeния Бóга Сло́ва рóждшую, сущую Богорóдицу, Тя велича́ем.**

Иерей: Сла́ва Тебе́, Христе́ Бóже, Уповáние на́ше, сла́ва Тебе.

Хор: **Слава Отцу́ и Сы́ну и Свято́му Ду́ху, и ны́не и прíсно и во ве́ки веко́в. Аминь.**

Господи, помилуй. (Трижды) Благослови.

Иерей: *произносит отпуст.*

Хор: Великаго Господина и Отца нашего Кирилла,/ Святейшаго Патриарха Московскаго и всея Руси,/ Богохранимую страну нашу Российскую,/ настоятеля, братаю, прихожан святаго храма сего и вся православныя христианы,// Господи, сохрани их на многая лета.

УТРЕНЯ.

Иерей: Слава Святей, и Единосущней, и Животворящей, и Нераздельней Троице всегда, ныне и присно, и во веки веков.

Чтец: Аминь.

ШЕСТОПСАЛМИЕ:

Слава в вышних Богу, и на земли мир, в человецех благоволение. *Трижды.*

Господи, устне мои отверзеши, и уста моя возвестят хвалу Твою. *Дважды.*

Псалом 3:

Господи, что ся умножиша стужающие ми? Мнози востают на мя, мнози глаголют души моей: несть спасения ему в Боже его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святых Своих. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующия ми все: зубы грешников сокрушил еси. Господне есть спасение, и на людех Твоих благоволение Твое.

Аз уснух, и спях, востах, яко Господь заступит мя.

Псалом 37:

Господи, да не яростию Твоею обличиши мене, ниже гневом Твоим накажеш мене. Яко стрелы Твоя унзюша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возмердеша и согниша раны моя от лица безумия моего. Пострадах и слякохся до конца, весь день сетуя хождях. Яко лядвия моя наполнишася поруганий, и несть исцеления в плоти моей. Озлоблен бых и смирихся до зела, рыках от въздыхания сердца моего. Господи, пред Тобою все желание мое и въздыхание мое от Тебе не утайся. Сердце мое смятеша, остави мя сила моя, и свет очию моею, и той несть со мною. Друзи мои и искреннии мои прямо мне приближишася и сташа, и ближнии мои отдалече мене сташа и нуждахуся ищущии душу мою, и ищущии злая мне глаголаху суетная и льстивным весь день поучахуся. Аз же яко глух не слышах и яко нем не

отверзаяй уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мой: и вегда подвижатися ногам моим, на мя велеречеваша. Яко аз на раны готов, и болезнь моя предо мною есть вина. Яко беззаконие мое аз возвещу и попекуся о гресе моем. Врази же мой живут и укрепятся паче мене, и умножишася ненавидящие мя без правды. Воздающие ми злая возлагая оболгаву мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

Псалом 62:

Боже, Боже мой, к Тебе утреннюю, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мой похваляте Тя. Тако благословлю Тя в животе моем, о имени Твоем воздежу рuce мой. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Боже, похвалятся всяк кленыйся Им, яко заградилася уста глаголющих неправедная.

На утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава Отцу и Сыну и Святому Духу, и ныне и присно и во веки веков. Аминь. Аллилуиа, аллилуиа, аллилуиа, слава Тебе Боже. *(Трижды, без поклонов).*

Господи помилуй, *трижды*. Слава Отцу и Сыну и Святому Духу, и ныне и присно и во веки веков. Аминь.

Псалом 87:

Господи Боже спасения моего, во дни возвах, и в ночи пред Тобою. Да внидет пред Тя молитва моя: приклони ухо Твое к молению моему, яко исполнися зол душа моя, и живот мой аду приблизися. Привменен бых с низходящими в ров, бых яко человек без помощи, в мертвых свободь, яко язвеннии спящие во гробе, ихже не помянул еси кому, и тии от руки Твоея отриновени быша. Положиша мя в рове преисподнем, в темных и сени смертной. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мой изнемогосте от нищеты, возвах к Тебе, Господи, весь день, воздох к Тебе рuce мой. Еда мертвыми твориши чудеса? Или врачеве воскресят, и

испове́дятся Тебе́? Еда́ пове́сть кто во грóбе мило́сть Твою́, и и́стину Твою́ в поги́бели? Еда́ познана́ бу́дут во тьме чудеса́ Твоя́, и пра́вда Твоя́ в земли́ забвённой? И аз к Тебе́, Го́споди, воззва́х и утро́ моли́тва моя́ предва́рит Тя. Вску́ю, Го́споди, отрее́ши ду́шу мою́, отвраща́еши лице́ Твое́ от мене́? Нищ есмь аз, и в трудёх от юности́ моея́; вознес же́ ся, смири́хся, и изнемого́х. На мне преидо́ша гнёви Твои́, устраше́ния Твоя́ возмути́ша мя, обыдо́ша мя я́ко вода́, весь день одержа́ша мя вку́пе. Уда́лил еси́ от мене́ дру́га и и́скренняго, и зна́емых мои́х от страсте́й.

Го́споди Бо́же спасе́ния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к моле́нию моему́.

Псалом 102:

Благослови́, душе́ моя́, Го́спода, и вся́ вну́тренняя моя́ и́мя свя́тое Его́. Благослови́, душе́ моя́, Го́спода, и не забыва́й всех воздая́ний Его́, очища́ющего вся́ беззако́ния твоя́, исцеля́ющего вся́ неду́ги твоя́, избавля́ющего от ислéния живо́т твой, венча́ющего тя мило́стию и щедро́тами, исполня́ющего во благо́их желáние твое́: обнови́тся я́ко о́рля юность твоя́. Твори́й мило́стии Го́сподь, и судьбу́ всем оби́димым. Сказа́ пути́ Своя́ Моисе́ови, сыно́вом Изра́илевым хоте́ния Своя́: Щедр и Ми́лостив Го́сподь, Долготерпели́в и Многоми́лостив. Не до конца́ прогне́вается, ниже́ во век вражду́ет, не по беззако́нием на́шим сотвори́л есть́ нам, ниже́ по грехо́м на́шим возда́л есть́ нам. Я́ко по высоте́ небе́сней от земли́, утверди́л есть́ Го́сподь мило́сть Свою́ на бо́ящихся Его́. Ели́ко отсто́ят восто́цы от за́пад, уда́лил есть́ от нас беззако́ния на́ша. Я́коже ще́дрит о́тец сы́ны, ущедри Го́сподь бо́ящихся Его́. Я́ко Той позна́ создáние на́ше, помяну́, я́ко персть есмь́. Чело́век, я́ко трава́ дние́ его́, я́ко цвет се́льный, та́ко оцвете́т, я́ко дух про́йде в нем, и не бу́дет, и не позна́ет ктому́ ме́ста своего́. Мило́сть же́ Го́сподня от ве́ка и до ве́ка на бо́ящихся Его́, и пра́вда Его́ на сынёх сыно́в, храня́щих завет́ Его́, и по́мнящих за́поведи Его́ твори́ти я́. Го́сподь на Небеси́ угото́ва Престо́л Свой, и Ца́рство Его́ все́ми облада́ет. Благослови́те Го́спода вси́ А́нгели Его́, си́льнии крeпостию, твори́щи сло́во Его́, услы́шати глас словeс Его́. Благослови́те Го́спода вся́ Си́лы Его́, слуги́ Его́, твори́щи во́лю Его́. Благослови́те Го́спода вся́ дела́ Его́, на вся́ком ме́сте влады́чества Его́, благослови́, душе́ моя́, Го́спода.

На вся́ком ме́сте влады́чества Его́, благослови́, душе́ моя́, Го́спода.

Псалом 142:

Го́споди, услы́ши моли́тву мою́, внуши́ моле́ние моё́ во и́стине Твое́й, услы́ши мя в пра́вде Твое́й и не вни́ди в суд с рабо́м Твои́м, я́ко не оправди́тся пред Тобо́ю вся́ живы́й. Я́ко погна́ враг ду́шу мою́, смири́л есть́ в зeмлю живо́т мой, посади́л мя есть́ в те́мных, я́ко ме́ртвья ве́ка. И уны́ во мне дух мой, во мне смяте́ся се́рдце моё́. Помяну́х дни дре́вния, поучи́хся во всех де́лех Твои́х, в творeниих руку́ Твое́ю поуча́хся. Возде́х к Тебе́ ру́це мои́, душа́ моя́, я́ко земля́ безводная Тебе́. Ско́ро услы́ши мя, Го́споди,

исчезе́ дух мой, не отврати́ лица́ Твоего́ от мене́, и уподо́блюся низходя́щим в ров. Слы́шану сотвори́ мне за́втра ми́лость Твою́, я́ко на Тя упова́х. Скажи́ мне, Го́споди, путь во́ньже пойду́, я́ко к Тебе́ взях ду́шу мою́. Изми́ мя от враг мои́х, Го́споди, к Тебе́ прибего́х. Научи́ мя твори́ти во́лю Твою́, я́ко Ты еси́ Бог мой. Дух Твой Благо́й наста́вит мя на зе́млю пра́ву. Имене́ Твоего́ ра́ди, Го́споди, живи́ши мя, пра́вдою Твоею́ изведе́ши от печа́ли ду́шу мою́. И ми́лостию Твоею́ потреби́ши враги́ моя́ и погуби́ши вся стужа́ющыя ду́ши мое́й, я́ко аз раб Твой есмь.

Услы́ши мя, Го́споди, в пра́вде Твое́й и не вни́ди в суд с рабо́м Твои́м.

Услы́ши мя, Го́споди, в пра́вде Твое́й и не вни́ди в суд с рабо́м Твои́м.

Дух Твой Благо́й наста́вит мя на зе́млю пра́ву.

Сла́ва Отцу́ и Сы́ну и Свято́му Ду́ху, и ны́не и прісно́ и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*.

ВЕЛИКАЯ ЕКТЕНИЯ.

Диакон: Миром Господу помолимся.

Хор: Господи, помилуй. *(На каждое прошение)*

Диакон: О Свышнем мире и спасении душ наших Господу помолимся.

О мире всего мира, благостоянии Святых Божиих Церквей и соединении всех Господу помолимся.

О святем храме сем и с верою, благоговением и страхом Божиим входящих в онь Господу помолимся.

О Великом Господине и Отце нашем Святейшем Патриарсе Кирилле, *(и о Господине нашем Преосвященнейшем (имя епархиального архиерея)*), честнем пресвитерстве, во Христе диаконстве, о всем причте и людех Господу помолимся.

О Богохранимей стране нашей, властех и воинстве ея Господу помолимся.

О граде сем *(или: о веси сей; если в монастыре, то: о святой обители сей)*, всяком граде, стране и верою живущих в них Господу помолимся.

О благорастворении воздушов, о изобилии плодов земных и временех мирных Господу помолимся.

О плавающих, путешествующих, недугующих, страждущих, плененных и о спасении их Господу помолимся.

О избавитися нам от всякия скорби, гнева и нужды Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков.

Хор: Аминь.

Диакон: Бог Господь, и явися нам, благословен Грядый во Имя Господне.

Стих 1: Исповедаетесь Господеви, яко благ, яко в век милость Его.

Хор глас 8: Бог Господь, и явися нам, благословен Грядый во Имя Господне. (И далее на каждый стих)

Стих 2: Обышедше обыдоша мя, и Именем Господним противляхся им.

Стих 3: Не умру, но жив буду, и повею дела Господня.

Стих 4: Камень, Егоже небрегоша зидущии, Сей бысть во главу угла, от Господа бысть Сей, и есть дивен во очесех наших.

Хор глас 8:

В тебе, отче, известно спасеся еже по образу: / приим бо крест, последовал еси Христу, / и дея учил еси презирати убо плоть, преходит бо, / прилежати же о души, вещи безсмертней. / Темже и со ангелы срадуется, преподобне Исаакие, дух твой. *(дважды)*

Слава и ныне, глас 8:

Недвижимое утверждение веры, / и честный дар душ наших / Богородицу песнями величаем вернии: / радуйся, Камень Жизни во чреве Твоем вместившая. / Радуйся, концев надеждо, скорбящих заступление. // Радуйся Невесто Невестная.

Хор (заход на кафизму): Господи, помилуй (Трижды) Слава Отцу и Сыну и Святому Духу.

Чтец: И ныне и присно и во веки веков. Аминь.

КАФИЗМА СЕДЬМАЯ

Псалом 46

Вси языцы воспещите руками, воскликните Богу гласом радования. Яко Господь Вышний страшен, Царь велий по всей земли. Покорит люди нам и языки под ноги наша: избранным своим, доброту Иаковлю, юже возлюбил. Взыде Бог в

воскликновѣнии, Господь во гласѣ трубнѣ. Пойте Богу нашему, пойте, пойте Царѣви нашему, пойте. Яко Царь всея земли Бог, пойте разумно. Воцарися Бог над языки, Бог седит на Престоле святем Своем. Князи людстии собрашася с Богом Авраамлим. Яко Божии державнии земли зело вознесошася.

Псалом 47

Велий Господь и хвален зело во граде Бога нашего, в горе святѣй Его. Благодорѣнным радованием всея земли: горы Сионския, рѣбра сѣверова, град Царя Великаго. Бог в тѣжестех его знаемь есть, егда заступает ѿ. Яко се царие зѣмстии собрашася, снисдошася вкупе. Тѣи видевше тако, удивѣшася, смятошася, подвигошася. Трѣпет прият я: тамо болѣзни яко раждающия. Духом бурным сокрушиши корабли Фарсийския. Якоже слышахом, тако и видехом во граде Господа сил, во граде Бога нашего, Бог основа ѿ в век. Прияхом, Боже, милость Твою посреде людѣй Твоих. По имени Твоему, Боже, тако и хвала Твоя на концах земли, правды исполнь десница Твоя. Да возвеселится гора Сионская и да возрадуются дщери Иудейския судеб ради Твоих, Господи. Обыдите Сион и обымите его, поведите в столпѣх его. Положите сердца ваша в силу Его и разделите дома Его, яко да повеете в роде ином. Яко Той есть Бог наш во век и в век века, Той упасет нас во веки.

Псалом 48

Услышите сѣя вси языцы, внушите вси живущии по вселенней: земнороднии же и сынове человечестии, вкупе богат и убог. Уста моя возглаголют премудрость, и поучение сердца моего разум. Приклоню в притчу ухо мое, отверзу во псалтири ганаение мое. Вскую боюся, в день лют? Беззаконие пяты моея обидет мя. Надѣющиися на силу свою и о множестве богатства своего хвалящиися, брат не избавит, избавит ли человек? Не даст Богу измены за ся, и цену избавления души своея, и утрудися в век. И жив будет до конца, не узрит пагубы. Егда увидит премудрыя умирающыя, вкупе безумен и несмыслен погибнут и оставят чуждым богатство свое. И гроби их жилища их во век, селения их в род и род, нарекоша имена своя на землях. И человек в чести сый не разумѣ, приложися скотом несмысленным и уподобися им. Сей путь их соблазн им, и по сих во устѣх своих благоволят. Яко овцы во аде положени суть, смерть упасет я, и обладают ими правии заутра, и помощь их обещает во аде, от славы своея изриновѣни быша. Обаче Бог избавит душу мою из руки адовы, егда приѣмлет мя. Не убойся, егда разбогатеет человек или егда умножится слава дому его: яко внигда умрѣти ему, не возмет вся, ниже снѣдет с ним слава его. Яко душа его в животѣ его благословится: исповестся Тебѣ, егда благосотвориши ему. Внидет даже до рода отец своих, даже до века не узрит света. И человек в чести сый не разумѣ, приложися скотом несмысленным и уподобися им.

Слава Отцу и Сыну и Святому духу.

ХОР: И ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. *(Трижды)*

Господи помилуй. *(Трижды)*.

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 49

Бог богов Господь глагола и призвал землю от восток солнца до запад. От Сиона благолепие красоты Его. Бог яве придет, Бог наш, и не премолчит: огонь пред Ним возгорится, и окрест Его буря зельна. Призовет Небо свыше и землю разсудити люди Своя. Соберите Ему преподобныя Его, завещающыя завет Его о жертвах. И возвестят небеса правду Его, яко Бог судия есть. Услышите, людие мой, и возглаголю вам, Израилю, и засвидетельствую тебе: Бог, Бог твой есмь аз. Не о жертвах твоих обличу ты, всесожжения же Твоя предо Мною суть вина. Не приму от дому Твоего тельцов, ниже от стад твоих козлов. Яко мой суть вси зверие дубравнии, скоти в горах и волове. Познах вся птицы небесныя, и красота сельная со Мною есть. Аще взалчу, не реку тебе: Моя бо есть вселенная и исполнение ея. Еда ям мяса юнча или кровь козлов пию? Пожри Богу жертву хвалы и воздаждь Вышнему молитвы Твоя. И призови Мя в день скорби твоея, и изму ты, и прославиши Мя. Грешнику же рече Бог: вскую ты поведаеши оправдания Моя и восприемлещи завет Мой усты твоими? Ты же возненавидел еси наказание и отвергл еси словеса Моя вспять. Аще видел еси татя, текл еси с ним, и с прелюбодеем участие твое полагал еси. Уста Твоя умножиша злобу, и язык твой сплеташе льщения. Седя, на брата твоего клеветал еси и на сына матери твоея полагал еси соблазн. Сия сотворил еси и умолчах, вознепщевал еси беззаконие, яко буду тебе подобен. Обличу ты и представлю пред лицом твоим грехи Твоя. Разумейте убо сия, забывающии Бога, да не когда похитит, и не будет избавляяй. Жертва хвалы прославит Мя, и тамо путь, имже явлю ему спасение Моё.

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омьй мя от беззакония моего, и от грехов моего очисти мя. Яко беззаконие мое аз знаю и грех мой предо мною есть вина. Тебе Единому согреших, и лукавое пред Тобою сотворих, яко да оправдишися во словесах Твоих и победиши, внегда судити Ти. Се бо в беззаконных зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся, омьеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем твоим, и нечестивии к Тебе обратятся. Избави мя от

кровей, Боже, Боже спасения моего, возрадуется язык мой правде Твоей. Господи, устны мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. тогда благоволиши жертву правды, возношение и всесожегаемая: тогда возложат на олтарь Твой тельцы.

Слава Отцу и Сыну и Святому духу.

ХОР: И ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. *(Трижды)*

Господи помилуй. *(Трижды)*.

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 51

Что хвалишиися во злобе, силне? Беззаконие весь день. Неправду умысли язык твой, яко бритву изощрену сотворил еси леть. Возлюбил еси злобу паче благостыни, неправду неже глаголати правду. Возлюбил еси вся глаголы потопныя, язык лстив. Сего ради Бог разрушит тя до конца, восторгнет тя, и преселит тя от селения твоего и корень твой от земли живых. Узрят праведнии и убоятся, и о нем возсмеются и рекут: се человек, иже не положи Бога Помощника себе, но упова на множество богатства своего, и возможе суетою своею. Аз же яко маслина плодовица в дому Божии, уповах на милость Божию во век и в век века. Исповемя Тебе во век, яко сотворил еси, и терплю имя Твое, яко благо пред преподобными Твоими.

Псалом 52

Рече безумен в сердце своем: несть Бог, растлеша и омерзися в беззакониих, несть творяй благое. Бог с Небес приниче на сыны человеческия, видети, аще есть разумеваяй или зыскаая Бога? Все уклонися, вкупе непотребни быша, несть творяй благое, несть до единого. Ни ли уразумеют все делающие беззаконие, снedaющие люди моя в снedy хлеба, Господа не призваша. Тамо устрашишася страха, идеже не бе страх, яко Бог разсыпа кости човекоугодников: постыдешася, яко Бог уничижи их. Кто даст от Сиона спасение Израилево? Внегда возвратит Бог пленение людей Своих, возрадуется Иаков и возвеселится Израиль.

Псалом 53

Боже, во имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя и крепцыи зыскаша душу мою, и не предложаша Бога пред собою. Се бо Бог помогает ми, и Господь Заступник души

моёй. Отвратит злая врагом моим, истиною Твоею потребит их. Волею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя возре око мое.

Псалом 54

Внуши, Боже, молитву мою и не презри моления моего. Вонми ми и услыши мя: возскорбех печалию моею и смятохся. От гласа вражия и от стужения грешника, яко уклониша на мя беззаконие и во гневе враждовашу ми. Сердце мое смятется во мне и боязнь смерти нападе на мя. Страх и трепет прииде на мя и покры мя тьма. И рех: кто даст ми криле, яко голубине? И полещу, и почию? Се удалихся бегая и водворихся в пустыни. Чаях Бога, спасающего мя от малодушия и от бури. Потопи, Господи, и раздели языки их: яко видех беззаконие и пререкание во граде. Днем и ночью обидет и по стенам его. Беззаконие и труд посреде его и неправда. И не оскуде от стогн его лихва и лесь. Яко аще бы враг поносил ми, претерпел бых убо, и аще бы ненавидял мя на мя велеречевал, укрыл бых ся от него. Ты же, человеце равнодушне, владыко мой и знаемый мой, иже купно наслаждался еси со мною брашен, в дому Божии ходихом единомышлением. Да приидет же смерть на ня, и да снудут во ад живи, яко лукавство в жилищах их, посреде их. Аз к Богу возвах, и Господь услыша мя. Вечер и заутра, и полудне повею, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убоишася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче елеса, и та суть стрелы. Возверзи на Господа печаль твою, и Той тя препитает, не даст в век молвы праведнику. Ты же, Боже, низведеши их во студенец истления, мужие кровей и лести не преполовят дней своих. Аз же, Господи, уповаю на Тя.

Слава Отцу и Сыну и Святому Духу и ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. *(Трижды)*.

Господи, помилуй *(трижды)*

По 1-м стихословии седальны покаянны. Глас 1:

В беззаконных зачат есмь аз блудный, не смею взирати на высоту небесную. Но надеяся на человеколюбие Твое зову: Боже, очисти мя грешнаго, и спаси мя.

Стих: Господи, да не яростию Твоею обличиши мене, ниже гневом Твоим накажеши мене.

Аще праведник едва спасается, аз же грешный где явлюся, тяготы и вара дневнаго не понесший? но с наемники едионадесятаго часа сопричти мя, Боже, и спаси мя.

Слава, и ныне, Богородичен:

Без матери на небесах, па́че смысла и слы́шания, на земли́ без отца́ родила́ еси́. того́ Богороди́це моли́, спасти́ся душа́м на́шим.

Хор (заход на кафизму): Господи, помилуй (Трижды) Сла́ва Отцу́ и Сы́ну и Свято́му Ду́ху.

Чтец: И ныне и присно и во веки веков. Аминь.

КАФИЗМА ВОСЬМАЯ

Псалом 55.

Помилуй мя, Бо́же, я́ко попра́ мя челове́к, весь день боря́ стужу́ ми. Попра́ша мя врази́ мой весь день, я́ко мно́зи борю́щие мя с высоты́. В день не убою́ся, аз же уповаю́ на Тя. О Бо́же похвалю́ словеса́ моя́, на Бо́га уповах, не убою́ся, что сотвори́т мне плоть? Весь день словес мо́их гнуша́хуся, на мя вся помышле́ния их на зло. Вселя́тся и скрывают, ти́и пяту́ мою́ сохраня́т, я́коже потерпе́ша ду́шу мою́. Ни о чесо́мже отри́неши я́, гнѣвом лю́ди низведе́ши. Бо́же, живо́т мой возвестих Тебе́, положи́л еси́ слѣзы моя́ пред Тобо́ю, я́ко и во обетова́нии Твоѣм. Да возвратя́тся врази́ мой вспя́ть, во́ньже а́ще день призову́ Тя, се позна́х, я́ко Бог мой еси́ Ты. О Бо́же похвалю́ глаго́л, о Го́споде похвалю́ сло́во. На Бо́га уповах, не убою́ся, что сотвори́т мне челове́к? Во мне, Бо́же, моли́твы, я́же возда́м хвалы́ Твоея́, я́ко изба́вил еси́ ду́шу мою́ от сме́рти, о́чи мой от слез, и но́зе мой от поползнове́ния, благоугожду́ пред Го́сподем во све́те живы́х.

Псалом 56

Помилуй мя, Бо́же, помилуй мя, я́ко на Тя упова́ душа́ моя́, и на сень крилу́ Твоею́ надею́ся, до́ндеже пре́йдет беззаконие. Воззову́ к Бо́гу Вы́шнему, Бо́гу, благоде́явшему мне. Посла́ с Небесе́ и спасе́ мя, даде́ в поноше́ние попира́ющыя мя, посла́ Бог ми́лость Свою́ и и́стину Свою́, и изба́ви ду́шу мою́ от среды́ скимнов. Поспах́ смущѣн, сы́нове челове́чести, зу́бы их ору́жия и стрѣлы, и язы́к их меч остр. Вознеси́ся на Небеса́, Бо́же, и по всей земли́ сла́ва Твоя́. Сеть угото́ваша нога́м мо́им и сляко́ша ду́шу мою́, ископа́ша пред лице́м мо́им я́му и впадо́ша в ню́. Гото́во се́рдце моѣ́, Бо́же, гото́во се́рдце моѣ́, воспою́ и пою́ во сла́ве моѣ́й. Воста́ни сла́ва моя́, воста́ни псалти́рю и гу́сли, воста́ну ра́но. Испове́мся Тебе́ в лю́дех, Го́споди, воспою́ Тебе́ во язы́цех, я́ко возвели́чися до Небе́с ми́лость Твоя́, и да́же до о́блак и́стина Твоя́. Вознеси́ся на Небеса́, Бо́же, и по всей земли́ сла́ва Твоя́.

Псалом 57

Аще вои́стинну у́бо пра́вду глаго́лете, пра́вая суди́те, сы́нове челове́чести. И́бо в се́рдце беззаконие де́лаете на земли́, непра́вду ру́ки ва́ша сплетают. Очужди́шася грѣшницы от ложесн, заблуди́ша от чре́ва, глаго́лаша лжу́. Я́рость их по подоби́ю змиину́, я́ко а́спида глу́ха и затыка́ющаго у́ши свой, и́же не услы́шит гла́са обава́ющих, обава́емь обава́ется от премудра. Бог сокруши́т зу́бы их во устѣх их, членовны́я львов сокруши́л ест Го́сподь. Уничжи́жятся я́ко вода́ мимотеку́щая, напряже́т лук свой,

дѡндеже изнемогут. Яко воск растаяв оты́мутся, падѣ огонь на них и не видѣша солнца. Прѣжде ѣже разумѣти тернія ва́шего ра́мна, яко живы, яко во гнѣве пожрѣт я́. Возвеселится прáведник, егда́ увидит отмщѣние, рúце свой умýет в крѡви грѣшника. И речѣт человек: áще úбо есть плод прáведнику, úбо есть Бог судя́ им на землѣи.

Слава Отцу и Сыну и Святому духу.

ХОР: И ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. *(Трижды)*

Господи помилуй. *(Трижды)*.

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 58

Изми́ мя от враг мо́их, Бóже, и от воста́ющих на мя избáви мя. Избáви мя от дѣлающих беззакóние и от муж кровей спаси́ мя. Яко се улови́ша дúшу мою, нападóша на мя крѣпцыи, ниже́ беззакóние моѣ, ниже́ грех мой, Гóсподи. Без беззакония текóх и испрáвих, востáни в срѣтение моѣ и виждь. И ты, Гóсподи Бóже сил, Бóже Изра́илев, вонми́ посетити вся язýки, да не ущѣдриши вся дѣлающыя беззакóние. Возвратятся на вѣчер и взáлчут, яко пес, и обы́дут град. Се тии отвещáют усты́ свойми, и меч во устна́х их, яко кто слы́ша? И Ты, Гóсподи, посме́ешися им, уничижи́ши вся язýки. Держáву мою к Тебѣ сохраню́, яко Ты, Бóже, Застúпник мой еси́. Бог мой, мило́сть Его предвари́т мя, Бог мой, явит́ мне на вразѣх мо́их. Не убий их, да не когда́ забудут закон Твой, расточи́ я́ силою Твоѣю и низведи́ я, Защитниче мой, Гóсподи. Грех уст их, слóво устен их, и яти да бúдут в горды́ни своѣй, и от клятвы и лжи возвестятся в кончине. Во гнѣве кончiny, и не бúдут и увѣдят, яко Бог влады́чествует Иáковом и концы́ землѣи. Возвратятся на вѣчер, и взáлчут, яко пес, и обы́дут град. Тии разы́дутся ясти. Аще ли же не насы́тятся, и порóпщут. Аз же воспою́ силу Твою́ и возра́дуюся заúтра о мило́сти Твоѣй, яко был еси́ Застúпник мой и Прибе́жище моѣ в день скóрби моея́. Помóщник мой еси́, Тебѣ пою́: яко Бог Застúпник мой еси́, Бóже мой, мило́сть моя́.

Псалом 59

Бóже, отринул ны еси́ и низложи́л еси́ нас, разгнѣвался еси́, и ущѣдрил еси́ нас. Стрясл еси́ зѣмлю и смути́л еси́ ю́, исцели́ сокрушѣние ея́, яко подви́жися. Показáл еси́ людем Твои́м жесто́кая, напои́л еси́ нас вино́м умилѣния. Дал еси́ боя́щимся Тебѣ зна́мение, ѣже убежáти от лица́ лúка. Яко да избáвятся возлю́бленнии Твои, спаси́ десни́цею Твоѣю и услы́ши мя. Бог возлагóла во святѣм Своѣм: возра́дуюся и разделю́ Сикиму, и юдо́ль жилищ размерю́. Мой есть Галаáд, и Мой есть Манасси́й, и Ефрѣм – крѣпость главы́ Моея́, Иúда – царь Мой. Моáв – конóб уповáния Моего́, на Идумею простру́

сапог Мой, Мне иноплемённицы покорішася. Кто введёт мя во град ограждёния? или кто наставит мя до Идумеи? Не Ты ли, Бóже, отринувый нас? И не изыдеши, Бóже, в силах наших? Дажь нам по́мощь от скорби, и суетно спасёние челове́ческо. О Бóзе сотворім силу, и Той уничижит стужающыя нам.

Псалом 60

Услыши, Бóже, моление моё, вонми мо́литве моёй. От конёц земли к Тебё воззвах, внемди уны́ сердце моё, на камень вознёсл мя еси́, наставил мя еси́. Яко был еси́ упование моё, столп крёпости от лица́ вра́жия. Вселюся в селёнии Твоём во веки, покрюся в крове крил Твоих. Яко Ты, Бóже, услышал еси́ мо́литвы моя́, дал еси́ достояние боящимся и́мене Твоего́. Дни на дни царёвы приложиши, лёта его до дне рода и рода. Пребудет в век пред Бóгом, милость и и́стину Его кто взыщёт? Тако воспою́ и́мени Твоему́ во веки, воздати ми мо́литвы моя́ день от дне.

Слава Отцу и Сыну и Святому духу.

ХОР: И ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. *(Трижды)*

Господи помилуй. *(Трижды)*.

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 61

Не Бóгу ли повинётся душа́ моя́? От Того́ бо спасёние моё. Ибо Той Бог мой и Спас мой, Заступник мой, не подвижуся наипаче. Докóле належитё на челове́ка? Убиваете вси вы, яко стенё преклонёне, и оплóту возриновёну. Обаче цёну мою́ совещаша отринути, текóша в жа́жди, усты́ своїми благословляху и сёрдцем своїм кленя́ху. Обаче Бóгови повиніся, душе́ моя́, яко от Того́ терпёние моё. Ибо Той Бог мой и Спас мой, Заступник мой, не преселюся. О Бóзе спасёние моё и слава моя́, Бог по́мощи моея́, и упование моё на Бóга. Упова́йте на Него́ весь сонм людёй, излийте пред Ним сердца́ ва́ша, яко Бог по́мощник наш. Обаче суетни сынове челове́чести, лживи сынове челове́чести в мёрилах ёже неправдовати, тии от суеты́ вку́пе. Не упова́йте на неправду и на восхищёние не желайте. Богатство а́ще течёт, не прилага́йте сёрдца. Еди́ною глаго́ла Бог, двоя́ сия слы́шах, занё держа́ва Бóжия, и Твоя́, Гóсподи, милость, яко Ты воздаси кому́ждо по делóм его́.

Псалом 62

Бóже, Бóже мой, к Тебё у́треннюю, возжада́ Тебё душа́ моя́, коль мно́жицею Тебё плоть моя́, в земли́ пúсте и непроходне, и безводне. Тако во святе́м явяхся Тебё, видети силу Твою́ и славу Твою́. Яко лучши милость Твоя́ паче живóт, устне́ мои́ похвалите Тя.

Тако благословлю Тя в животѣ моѣм, о имени Твоѣм воздежу рѹце мой. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постѣли моѣй, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебѣ, менѣ же прият десница Твоя. Тии же всеу искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Бозе, похвалится всяк кленыйся Им, яко заградися уста глаголющих неправедная.

Псалом 63

Услыши, Божѣ, глас мой, внигда моли ти ми ся к Тебѣ, от страха вражия изми душу мою. Покрый мя от сонма лукавнующих, от множества делающих неправду. Иже изостриша, яко мечь, языки своя, напрягоша лук свой, вещь горьку, состреляти в тайных непорочна, внезапно состреляют его и не убоятся. Утвердиша себе слово лукавое, повѣдаша скрыти сеть, реша: кто узрит их? Испыташа беззаконие, исчезоша испытующии испытанія, приступит человек, и сердце глубокѣ, и вознесется Бог. Стрелы младенец быша язвы их, и изнемогоша на ня языцы их. Смутятся вси видящие их, и убоятся всяк человек, и возвестят дела Божия, и творения Его разумеша. Возвеселится праведник о Господе и уповает на Него, и похвалятся вси правии сердцем.

Слава Отцу и Сыну и Святому Духу и ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. *(Трижды)*.

Господи, помилуй *(трижды)*

По 2-м стихословии, седален. Глас 1:

Объятия Отча отвѣрсти ми потщися, блудно мое иждих житие, на богатство неиждиваемое взирая щедрот Твоих Спасе, ныне обнищавшее мое да не презриши сердце, Тебѣ бо, Господи, умилением зову: согреших, отче, на Небо и пред Тобою, спаси мя.

Стих: Господи, да не яростию Твоею обличиши мене, ниже гневом Твоим накажешу мене.

Богатство Йовлево зря добродетелей, подкопати и украсти козньствоваше, иже праведных враг, и разорил столп телесный, сокровища же не украде духовнаго, обрете бо вооружену непорочнаго душу: менѣ же и обнажив плени. Предварив убо прежде конца, избави мя от лстываго, Спасе, и спаси мя.

Стих: Дивен Бог во святых Своих, Бог Израилев.

Яко добрии воины, единомудренно веровавшие, прещения мучителей не убоятся святии. приидосте усердно ко Христу вземше честный крест, и скончавше течение, с

небесé побéду при́ясте. Сла́ва укрéпльшему ва́с: сла́ва венча́вшему вѣ́: сла́ва де́йствующему ва́ми всѣ́м исцелéния.

Сла́ва, и ны́не, Богоро́дичен:

Отча́яние ниневѣ́тское предва́рил еси́, возвещéнное за́прещéние мимово́дя, и гнѣ́в победѣ́ мѣ́лость Твоя́ Го́споди, умилосе́рдися ны́не на лю́ди и ста́до Твое́: длáнию держа́вною врагѣ́ нáша низложѣ́, моли́твами Богоро́дицы да́руй нáм мѣ́лость Твою́.

Господи, помилуй (*трижды*), Сла́ва Отцу́ и Сы́ну и Свято́му Ду́ху, и ны́не и прѣ́сно и во ве́ки веко́в. Ами́нь.

Псалом 50:

Помѣ́луй мя, Бо́же, по вели́цей мѣ́лости Твое́й, и по мно́жеству щедро́т Твоѣ́х очѣ́сти беззакóние моё́. Наипáче омѣ́й мя от беззакóния моего́, и от грехá моего́ очѣ́сти мя. Яко́ беззакóние моё́ аз зна́ю и грех мой предо мно́ю есть вѣ́ну. Тебѣ́ Еди́ному согрешѣ́х, и лука́вое пред Тобо́ю сотвори́х, я́ко да оправди́шия во словесе́х Твоѣ́х и победи́ши, внегда́ судѣ́ти Ти. Се бо в беззакóнных зача́т есмь, и во гресе́х роди́ мя ма́ти моя́. Се бо ѣ́стину возлюбѣ́л еси́, безвѣ́стная и та́йная премудрости Твое́я яви́л ми еси́. Окропи́ши мя иссо́пом, и очѣ́шуся, омѣ́еши мя, и па́че снѣ́га убелю́ся. Слу́ху моему́ да́си ра́дость и весе́лие, возра́дуются ко́сти смире́нныя. Отврати́ лице́ Твое́ от грех моѣ́х, и вся беззакóния моя́ очѣ́сти. Се́рдце чи́сто сози́жди во мне, Бо́же, и дух прав обнови́ во утробе́ мое́й. Не отвер́жи мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́, и Ду́хом Влады́чним утверди́ мя. Научу́ беззакóнныя путе́м Твоѣ́м, и нечестѣ́вии к Тебѣ́ обратѣ́тся. Изба́ви мя от крове́й, Бо́же, Бо́же спасе́ния моего́, возра́дуется язы́к мой правде́ Твое́й. Го́споди, устне́ мои́ отвѣ́рзеши, и уста́ моя́ возвестѣ́ят хвалу́ Твою́. Яко́ а́ще бы восхотѣ́л еси́ жѣ́ртвы, дал бых́ у́бо, всесо́жже́ния не благово́лиши. Жѣ́ртва Бо́гу дух сокруше́н, се́рдце сокруше́нно и смире́нно Бог не уничи́жит. Ублажи́, Го́споди, благово́лением Твоѣ́м Сио́на, и да сози́ждутся стѣ́ны Иерусали́мския, тогда́ благово́лиши жѣ́ртву правды́, возноше́ние и всесо́жега́емая: тогда́ возложáт на олта́рь Твой тельцы́.

КАНОН (*расписан «на 4»*).

Песнь 1

Хор: ирмос глас 1:

Ирмо́с: Пѣ́снь побѣ́дную поѣ́м вси́ Бо́гу:/ сотво́ршему дѣ́вная чудеса́ мѣ́шцею вы́сокою, // и спаса́ющему Изра́иля, я́ко просла́вился.

Чтецы:

Припев 1: Помѣ́луй мя, Бо́же, помѣ́луй мя

Порабоща́емъ страстьми́ грехá, припадаю́ Ти́ Го́споди, я́ко да яви́ши мя́ от сихъ свободна, сла́вляща приле́жно Твою́ благосты́ню.

Припев 2: Помíлуй мя, Бо́же, помíлуй мя

Уязви́хся ока́нный грехо́вным копи́ем, и умро́х, и зря́ мя лежа́ща вра́г веселíтся: и́же воскрешáяй мёртвыя, оживíв спасí мя.

Припев 3: Святы́й Проро́че и Предте́че Господень Иоáнне, моли́ Бо́га о нас.

Гласъ б́ыл еси́ сло́ва блаже́нне, те́мже гласы́ наша́, я́же тебе́ творимъ, приими́ Предте́че, свободжа́я нас от злы́х ходата́йством твои́м.

Припев 4: Преподо́бне о́тче Исаáкие, моли́ Бо́га о нас

От пусты́нных пределъ принíкнув, преподо́бне, собра́ние е́реси распле́нив, свя́те, утверди́л еси́ ве́ру Христо́ву.

Слава Отцу́ и Сыну́ и Святому́ Ду́ху / и ны́не и присно́ и во веки́ вековъ, Ами́нь.

Песнь 3

Хор ирмос глас 1:

Ка́мень, егóже небрего́ша зижду́щи,/ се́й бы́сть во главу́ у́гла:/ то́й е́сть ка́мень, на нёмже утверди́ Цёрковь Христо́с, // ю́же от язы́к искупи́.

Чтецы:

Припев 1: Помíлуй мя, Бо́же, помíлуй мя

Ви́ждь мою́ немо́щь оболкíйся в ню́, ви́ждь ду́ши моея́ лю́тое безъобра́зие, и вонми́ гласу́ моему́, Христé многоми́лостиве, и претвори́ сея́ нелéпоту во благообра́зие, Спа́се.

Припев 2: Помíлуй мя, Бо́же, помíлуй мя

Спасы́й Иисусе́ блуднаго́, спасí мя еди́наго Твоя́ спаси́тельныя престу́пльша зако́ны, и вся́кий грехъ́ безсловéсно сконча́вша, и отведе́на помышлénьми от Тебе́ бла́же, чу́жда мя́ творя́щими.

Припев 3: Святы́й Проро́че и Предте́че Господень Иоáнне, моли́ Бо́га о нас

От непло́дове и неражда́ющия Предте́че свяще́нно прозяб́ый, яви́лся еси́ плодонóсен деланий́ Божéственныхъ. Те́мже се́рдце моё́ всячески́ непло́дствующее́, благопло́дно сотвори́ до́брым: я́ко да ве́рно всегда́ прославля́ю тя́.

Припев 4: Преподо́бне о́тче Исаáкие, моли́ Бо́га о нас

Труба́ словéсна Ду́ха яви́лся еси́, о́тче, вся созыва́ющи, я́коже на брань, вра́жиим ополче́нием проти́ву ста́ти по́мощию Спа́са Христá.

Слава Отцу и Сыну и Святому Духу / и ныне и присно и во веки веков, Аминь.

Хор катавасию глас 8:

Утверди наш ум и сердца, /Небеса словом утверждёй, /во еже пети и славити Тя, // во спасение душ наших.

МАЛАЯ ЕКТЕНИЯ.

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувше, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Ты еси Бог наш, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Чтец:

Седален, глас 8. *Подобен: Премудрости:*

Тученосный облак духовный явился еси, преблаженне, сущим на земли, /напаяя, яко бразду, верных сердца: обтек же концы Божественными словесы твоими, /дождь учений источил еси, премудре, /темже, яко потоки, всех сердца благовоение Духа /богомудренно израстил еси, Богоносе Исаакие, /моли Христа Бога грехов оставление подати // чтущим любовь святую память твою.

Слава и ныне, Богородичен:

Яко всенепорочная Невеста Творцу, /яко неискусомужная Мати Избавителя, /приятелище яко сущи Утешителя, Препетая, /беззаконию мя суща скверное обителище и бесом игралище в разуме бывша, /потщися от тех злодейства мя избавити /и светлое жилище добродетелей соверши, Светоносная Нетленная, /отжени облак страстей и Вышняго причастия сподоби // и Света невечерняго молитвами Твоими.

Песнь 4**Хор** ирмос глас 1:

Духом провидя, пророче Аввакуме, Словесе воплощение,/ проповедал еси вопия:/
внегда приблизится летом, познаешися,/ внегда приити времени, покажешися://
слава силе Твоей, Господи.

Чтецы:

Припев 1: Помилуй мя, Боже, помилуй мя

Еже ми дал еси Христе богатство, расточих зле скончавая безместная, и бых наг,
облечен в дела безчестия. Темже вопию Ти: одеждо мя украси первою,
Божественною мя умиляя благодатию.

Припев 2: Помилуй мя, Боже, помилуй мя

Низведохся безумием, и падохся люте, и на земли лежу неисцельно боляй, воздвигни
мя падших востание, и на камени спасительного покаяния утверди Христе, сердце мое.

Припев 3 Святыи Пророче и Предтече Господень Иоанне, моли Бога о нас.

Исткав спасения ризу себе, во обнажении телеснем Господень крестителю,
обнаженного от всякаго благотворения, облещи мя, молюся, правды и веселия
одеждою.

Припев 4: Преподобне отче Исаакие, моли Бога о нас

Ангелоподобно на земли показавый житие,/ ликуюши с Небесными силами.

Слава Отцу и Сыну и Святому Духу / и ныне и присно и во веки веков, Аминь.

Песнь 5**Хор** ирмос глас 1

Твой мир даждь нам, Сыне Божий,/ иного бо разве Тебе Бога не знаем,// имя Твое
именуем, яко Бог живых и мертвых еси.

Чтецы:

Припев 1: Помилуй мя, Боже, помилуй мя

Исполнихся грехопадений многих и лютых, Владыко щедрый и долготерпеливый:
ущедри мя осужденного, и не отвержи мене от лица Твоего.

Припев 2: Помилуй мя, Боже, помилуй мя

Мытаря оправдал еси Христе воздохнувши, тому убо и аз подобяся, бию в перси, и
зову Ти: очисти мя единое Благоутробне и Щедрый.

Припев 3: Святы́й Проро́че и Предте́че Госпо́день Иоáнне, моли́ Бо́га о нас

В пусты́ню всели́вся Предте́че Христо́в, я́коже дрéвле Или́а: те́мже се́рдце моé опустéвшее прегрешéньми, прилежа́нием Божéственным утверди́ всеблаже́нне.

Припев 4: Преподо́бне о́тче Иса́акие, моли́ Бо́га о нас

От пусты́ни вои́стинну, я́коже звезда́ светла́, возсия́л еси́/ и еретиче́скую но́щь уче́нии тво́ими отгна́л еси́.

Слава Отцу и Сыну и Святому Духу / и ныне и присно и во веки веков, Аминь.

Песнь 6

Хор ирмос глас 1:

Проро́ка Ио́ну подража́я, вопию́:/ живо́т мо́й, Бла́же свободи́ из тли́:// и спаси́ мя, Спа́се ми́ра, зову́ща: сла́ва Тебе́.

Чтецы:

Припев 1: Помилуй мя, Бо́же, помилуй мя

Сокруши́шася ко́сти окаянны́я моея́ души́, и тягото́ю сляко́хся мно́гих сласте́й: но помози́ ми Христе́, еди́не все́м помога́ние.

Припев 2: Помилуй мя, Бо́же, помилуй мя

В пучи́ну лю́тых, и бу́рю страсте́й впадо́хся, вопию́ Ти всеси́льне Христе́: возведи́ мя кре́пкою Твое́ю руко́ю, и спаси́ мя.

Припев 3: Святы́й Проро́че и Предте́че Госпо́день Иоáнне, моли́ Бо́га о нас

И́же пока́яние на землі пропове́давый крестите́лю, пока́яния ми́ путі наставля́ющыя мя к све́ту покажи́, и от про́пасти преле́сти изба́ви.

Припев 4: Преподо́бне о́тче Иса́акие, моли́ Бо́га о нас

Проре́кл еси́ Ва́ленту, му́дре, ме́рзкую смерть проразуме́нием Ду́ха/ и яви́лся еси́ вои́стинну проро́к сла́вен.

Слава Отцу и Сыну и Святому Духу / и ныне и присно и во веки веков, Аминь.

Хор катавасию глас 8:

Ри́зу мне пода́ждь све́тлу,/ оде́йся све́том, я́ко ри́зою,// Многоми́лостиве Христе́ Бо́же наш.

МАЛАЯ ЕКТЕНИЯ.

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Ты бо еси Царь мира и Спас душ наших, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Чтец:

Кондак, глас 8. Подобен: яко начатки:

Яко угодник Божий верный, / по Христове Церкви ревностию разжгся, / бразды Валентовы удержав, / пророчески тому о затворении Церкви пагубную смерть предрекл еси, преподобне. // Темже присно моли о нас, чтущих тя, Исаакие преподобне.

Песнь 7

Хор ирмос глас 1:

Сущым в пещи отроком Твоим Спасе, / не прикоснуса, ниже стужи огнь. / Тогда трие, яко едиными усты пояху и благословляху, глаголюще: // благословен Бог Отец наших.

Чтецы:

Припев 1: Помилуй мя, Боже, помилуй мя

Терпению извече Йов, и пребысть всеми прилоги лукаваго непреклонимь, якоже столп доблественный. Сему ревнуй всегда о душе, и никакоже унывай в лютых.

Припев 2: Помилуй мя, Боже, помилуй мя

Телесными победихся сластми, и бых безсловесен, сый словесен: слове Божий, иже словом блудницу спасый, спаси мя окаяннаго, да пою благословя Твою благостыню.

Припев 3: Святыи Пророче и Предтече Господень Иоанне, моли Бога о нас

Яко ветхому и новому быв преизящный славный ходатай Крестителю, ходатайствуй, обетшавшаго грехми всего обновити мя, обновителя всяческих моля Иисуса.

Припев 4: Преподобне отче Исаакие, моли Бога о нас

Подавый преподобному Твоему слово обличительно к мучителев злобе, благословен еси во веки, Господи Боже отец наших.

Слава Отцу и Сыну и Святому Духу / и ныне и присно и во веки веков, Аминь.

Песнь 8

Хор ирмос глас 1:

Егóже ужаса́ются А́нгели, и вся во́инства,/ я́ко Творца́ и Го́спода,/ по́йте священни́цы, просла́вите о́троцы, благослови́те лю́дие, // и превозноси́те во вся ве́ки.

Чтецы:

Припев 1: Помíлуй мя, Бо́же, помíлуй мя

На́га мя соде́ла вся́ческих добродéтелей змíй льсти́вый злы́м сове́том: рíзою добродéтелей украсí мя ны́не, обнажи́вый Спа́се мо́й сегó злóбы.

Припев 2: Помíлуй мя, Бо́же, помíлуй мя

Хотя́й приити́ суди́ти рóду челове́ческому, суди́е пра́ведный, в ча́с стра́шный, осужде́на су́ща не послí мене́ во о́гнь геéнский, но ущéдри и спасí мя.

Припев 3: Святы́й Проро́че и Предте́че Госпо́день Иоáнне, моли́ Бо́га о нас

Еди́н па́че все́х согреши́х на землí рóждшихся, еди́н бых престо́пник Твои́х зако́нов Го́споди: те́мже Предте́чи ра́ди ущéдри и спасí мя.

Припев 4: Преподо́бне о́тче Исаа́кие, моли́ Бо́га о нас

Показа́вшего правосла́вныя ве́ры побóрника, Исаа́кия, вси по́йте, священни́и, лю́дие, превозноси́те во вся ве́ки.

Благословим Отца, и Сына, и Святаго Духа, Господа / и ныне и присно и во веки веков, Аминь.

Хор: Хвалим, благословим, поклоняемся Господеви, поюще, и превозносяще во вся веки.

и катавасию глас 8:

Безнача́льного Царя́ сла́вы,/ Егóже трепещу́т Небе́сныя си́лы,/ по́йте, священни́цы, // лю́дие, превозноси́те во вся ве́ки.

Диакон: Богоро́дицу и Ма́терь Све́та в пе́снях возвели́чим.

Хор:

«Величит душа моя Господа...»

Напев Дивеевского монастыря

Бе - ли - чит ду - ша мо - я Го - спо - да, и воз -

ра - до - ва - ся дух мой о Бо - зе Спа - се мо - ем.

Прочие стихи поются так же.

Чест - ней - шу - ю хе - ру - вим и Слав - ней - шу - ю без срав - не - ни - я Се - ра - фим,

без ист - ле - ни - я Бо - га Сло - ва рожд - шу - ю,

су - щу - ю Бо - го - ро - ди - цу Тя ве - ли - ча - ем.

Яко призрѣна смиреніе рабы Своея,/ се бо от ныне ублажат Мя вси роди.

Честнейшую...

Яко сотвори Мне величїе Сильный,/ и свято Имя Его, и милость Его в роды родов боящимся Его.

Честнейшую...

Сотвори державу мѣшцею Своею,/ расточи гордыя мѣслию сѣрдца их.

Честнейшую...

Низложи сильные со престол, и вознесѣ смиренныя;/ алчущія исполни благ, и богатящіяся отпусти тщи.

Честнейшую...

Восприят Израїля отрока Своего, помянути милости,/ якоже глагола ко отцѣм нашим, Аврааму и семени его, даже до века.

Честнейшую...

Песнь 9

Хор ирмос глас 1:

Светоносный облак, вонже всех Владыка,/ яко дождь с небесѣ на руно снїде,/ и воплотїся нас ради, бѣв Человѣк, Безначальный.// Величаем вси яко Матерь Бѣга нашего Чистую.

Чтецы:

Припев 1: Помилуй мя, Бѣже, помилуй мя

Сѣ время покаянїя и чїста дѣлания, сѣ день, свѣтла содѣлай дѣла: бежи тьмы страстей, отженї сон злаго унынїя душе моя, яко да будѣши Божественнаго свѣта причастна.

Припев 2: Помилуй мя, Бѣже, помилуй мя

Яко мытарь воздыхаю, яко блудница слезю, и яко разбойник вопию Ти: помяни мя Щедре: и яко блудный сынъ взываю: согреших, припадаю ти яко хананѣа: милостиве, не презри мене Христѣ.

Припев 3: Святыи Пророче и Предтече Господень Иоанне, моли Бѣга о нас

Сѣ свѣтїльник сияя сущым во тьме житїя, сѣ доброглаголивая ластовица, вѣсну всемъ возвещающая, Христовъ великий Предтеча, ходатай ветхому и новому: егѣже молитвами да сохранимся прїсно.

Припев 4: Преподобне отче Исаакїе, моли Бѣга о нас

Сокрушил еси силы безбожныхъ державно крепостию Божественнаго Духа.

Слава Отцу и Сыну и Святому Духу / и ныне и присно и во веки веков, Аминь.

Хор катавасию глас 8:

Тя, Богородицу, / Мать Света, / в песнях величаем.

Хор:

Досто́йно есть́ я́ко вои́стину/ блажи́ти Тя, Богоро́дицу,/ Присноблаже́нную и Пренепоро́чную/ и Ма́терь Бо́га на́шего./ Честне́йшую Херуви́м/ и сла́внейшую без сравне́ния Серафи́м,/ без ислéния Бо́га Сло́ва ро́ждшую,/ су́щую Богоро́дицу Тя велича́ем.

36

МАЛАЯ ЕКТЕНИЯ.

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Тя хвалят вся силы небесныя, и Тебе славу воссылаем, Отцу́ и Сы́ну и Свято́му Ду́ху, ны́не и прісно и во ве́ки веко́в.

Хор: Аминь.

Чтец: Предтечу Иоанна, и крестителя Спасова, / во пророцех пророка и пустыни воспитание, / Елисаветино рождение восхвалим вси.

Слава и ныне, Богородичен:

Сладость Ангелов, скорбящих радость, / христиан представительница, Дево Мати Господня, / заступи нас, и избави вечных мук.

Чтец: Хвалите Господа с небес. Тебе подобает песнь Богу. Хвалите Господа с небес, хвалите Его́ в вы́шних. Тебе подобает песнь Богу. Хвалите Его́, вси А́нгели Его́, хвалите вся Сі́лы Его́. Тебе подобает песнь Богу.

Псалом 148:

Хвалите Его́, со́лнце и луна́, хвалите Его́, вся звёзды и свет. Хвалите Его́ Небеса́ небес и вода́, я́же превы́ше небес. Да восхва́лят імя Господне: я́ко Той рече́, и бы́ша, Той

повелé, и создáшася. Поста́ви я́ в век и в век ве́ка, повелéние положи́, и не мíмо йдет. Хвалíte Гóспода от земли́, змíеве и вся бéздны: огонь, град, снег, гóлоть, дух б́урен, творя́щая слóво Егó, гóры и вси хóлми, дрéвa плодонóсна и вси кéдри, звéрие и вси скóти, гáди и пт́ицы пернáты. Цáрие зéмстии и вси лю́дие, князи и вси судий зéмстии, ю́ноши и дéвы, стáрцы с ю́нотами да восхва́лят íмя Госпóдне, я́ко вознесéся íмя Тогó Едíнаго, исповéдание Егó на земли́ на небесí. И вознесёт рог люде́й Свои́х, песнь всем преподóбным Егó, сыновóм Изра́илевым, лю́дем, приближа́ющимся Емú.

Псалом 149:

Воспóйте Гóсподеви песнь нóву, хвалéние Егó в цéркви преподóбных. Да возвеселíтся Изра́иль о Сотвор́шем егó, и сы́нове Сиóни возра́дуются о Царé своéм. Да восхва́лят íмя Егó в ли́це, в тимпа́не и псалт́ири да пою́т Емú. Я́ко благово́лит Госпóдь в лю́дех Свои́х, и вознесёт крóткия во спасéние. Восхва́лятся преподóбнии во сла́ве и возра́дуются на лóжах свои́х. Возно́шения Бóжия в гортáни их, и мечí обоóду остры́ в рука́х их: сотвори́ти отмщéние во язы́цах, обличéния в лю́дех, связáти царíих пúты, и сла́вныя их ручнýми окóвы желéзными.

На 6: Сотвори́ти в них суд напíсан. / Сла́ва сия́ б́удет всем преподóбным Егó.

Псалом 150:

Хвалíte Бóга во святýх Егó, / хвалíte Егó во утвер́жении сíлы Егó.

На 4: Хвалíte Егó на сíлах Егó, / хвалíte Егó по мнóжеству вели́чества Егó.

Хвалíte Егó во гла́се тру́бнем, / хвалíte Егó во псалт́ири и гúслех.

Хвалíte Егó в тимпа́не и ли́це, / хвалíte Егó во стру́нах и орга́не.

Хвалíte Егó в кимва́лех доброгласных, хвалíte Егó в кимва́лех восклицáния. / Вся́кое дыха́ние да хва́лит Гóспода.

Сла́ва Отцú и Сы́ну и Свято́му Дúху, и ны́не и прíсно и во ве́ки веко́в. Амíнь.

Тебе́ сла́ва подобáет, Гóсподи Бóже наш, и Тебе́ сла́ву возсыла́ем, Отцú, и Сы́ну, и Свято́му Духú, ны́не и прíсно, и во ве́ки веко́в, амíнь.

Чтец: Сла́ва Тебе́, показáвшему нам свет.

Славословие всedневное.

Сла́ва в в́ышних Бóгу, и на земли́ мир, в челове́цах благово́ление. Хва́лим Тя, благословím Тя, клáняем Ти ся, славословím Тя, благодарím Тя вели́кия ра́ди сла́вы Твоея́. Гóсподи, Царю́ Небéсный, Бóже, О́тче Вседержíтелю, Гóсподи Сы́не Единорóдный, Иису́се Христé, и Святы́й Дúше. Гóсподи Бóже, А́гнче Бóжий, Сы́не Оте́чь, взéмляй грех мíра, помíлуй нас. Взéмляй грехí мíра, прíими́ моли́тву на́шу.

Седяй одесную Отца, помилуй нас. Яко Ты еси Един Свят; Ты еси Един Господь, Иисус Христос, во славу Бога Отца, аминь.

На всяк день благословлю Тя и восхвалю имя Твое во веки, и в век века.

Господи, прибежище был еси нам в род и род. Аз рех: Господи, помилуй мя, исцели душу мою, яко согрехих Тебе. Господи, к Тебе прибегах, научима творити волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя.

Сподоби Господи, в день сей без греха сохранитися нам. Благословен еси, Господи, Боже отец наших, и хвально и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправдания Твоими.

Господи, милость Твоя во век, дел руку Твоею не презри: Тебе подобает хвала, Тебе подобает пение, Тебе слава подобает, Отцу, и Сыну, и Святому Духу, ныне и присно, и во веки веков, аминь.

ПРОСИТЕЛЬНАЯ ЕКТЕНИЯ.

Диакон: Исполним утреннюю молитву нашу Господеви.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Дне всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Яко Бог милости и щедрот и человеколюбия еси и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы наша Господеви приклоним.

Хор: Тебе, Господи.

Иерей: Твое бо есть, еже милovati и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

СТИХИРЫ НА СТИХОВНЕ

Глас 1

Ин век Тебе душе ожидает,/ и судия хощет Твоя обличити тайная и лютая./ Не пребуди убо в них, но предвари вопиющи судий:// Боже, очисти мя и спаси мя.

Стих: Исполнихомся завтра милости Твоей Господи, и возрадовахомся и возвеселихомся: во вся дни наша возвеселихомся: за дни, в няже смирил ны еси, лета, в няже видехом злая. И призри на рабы Твоя, и на дела Твоя,/ и настави сыны их.

Не искуси мене, Спасе мой,/ леностию греховною одержима,/ но воздвигни мое помышление к покаянию,/ и Твоего винограда делателя искусна яви мя:// Даруй ми единогодешятаго часа мзду, и велию милость.

Стих: И буди светлость Господа Бога нашего на нас, и дела рук наших исправи на нас,/ и дело рук наших исправи.

Мученичен: Сии воины Царя великаго противишася повелением мучителейым,/ доблественне нерадisha о муках,/ и прелесть всю поправше,/ достойно венчани быша просят у Спаса мира душам нашим,// и велия милости.

Слава и ныне, Богородичен, глас той же

Блудницу и блуднаго аз, и разбойника победих,/ и мытаря прегрешении преминух, и ниневитяны./ Увы мне, что буду?! Како убегну муки аз окаянный?! Чистая, припадаю Ти, ущедри мя милостию Твоею,// якоже оныя сын Твой спасл есть.

Чтец: Благо есть исповѣдаться Господеви, и пѣти Имени Твоему, Вышний: возвещати заутра милость Твою, и истину Твою на всяку ночь.

Святый Бже, Святый Крепкий, Святый Безсмертный, помилуй нас. *Трижды.*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, *трижды.* Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Аминь.

Хор глас 8:

В тебе, отче, известно спасеся еже по образу: / приим бо крест, последовал еси Христу, / и дея учил еси презирати убо плоть, преходит бо, / прилежати же о души, вещи безсмертней. / Темже и со ангелы срадуется, преподобне Исаакие, дух твой.

Слава и ныне, глас 8: Дево Пречистая, спаси ны молитвами Твоими, / движущи утробу матернюю, Сыну Твоему и Богу нашему.

СУГУБАЯ ЕКТЕНИЯ.

Диакон: Помилуй нас, Бже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды на каждое прошение)*

Еще молимся о Великом Господине и Отце нашем Святѣйшем Патриархе Кирилле, *(и о Господине нашем Высокопреосвященнейшем митрополите (или: архиепископе, или: преосвященнейшем епископе имярек),* и всей во Христе братии нашей.

Еще молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о блаженных и приснопамятных создателях святаго храма сего, и о всех прежде почивших отцех и братьях, zde лежащих и повсюду, православных.

Ещё молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Ещё молимся о плодоносящих и добродельных во святом и всечестном храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

41

Хор: Аминь.

Диакон: Премудрость.

Хор: Благослови.

Иерей: Сый благословен Христос Бог наш, всегда, ныне и присно и во веки веков.

Хор: Аминь. Утверди, Боже, святую православную веру, православных христиан во век века.

ЧИТАЕТСЯ ПЕРВЫЙ ЧАС:

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 5:

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселитя к Тебе лукавней, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и лстыва гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Судим, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишия в них, и похвалятся о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

Псалом 89:

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и

рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража нощная. Уничужения их лета будут. Утро яко трава мимоидет, утро процветет и прейдет: на вечер отпадет ожестет и исхнует. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьмдесят лет, аще же в силах, осмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою истечет? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100:

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагал пред очима моима вещь законопреступную: творящая преступление возненавидех. Не прильпе мне сердце строптиво, уклоняющегося от мене лукаваго не познах. Оклеветавшего тай искреняго своего, сего изгонях: гордым оком, и несбытым сердцем, с сим не ядах. Очи мой на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающыя беззаконие.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *Трижды.*

Господи, помилуй, *трижды.*

Слава Отцу и Сыну и Святому Духу.

В тебе, отче, известно спасеся еже по образу: / прием бо крест, последовал еси Христу, / и дея учил еси презирати убо плоть, преходит бо, / прилежати же о души, вещи безсмертней. / Темже и со ангелы срадуется, преподобне Исаакие, дух твой.

И ныне и присно и во веки веков. Аминь.

Что Тя наречем, о Благодатная? / Небо, яко возсияла еси Солнце Правды. / Рай, яко прозябла еси цвет нетления. / Деву, яко пребыла еси нетленна. / Чистую Матерь, яко

имела еси на святых Твоих объятиях Сына, всех Бога. / Того моли спастися душам нашим.

Стопы моя направи по словеси Твоему/ и да не обладает мною всякое беззаконие. / Избави мя от клеветы человеческия, / и сохраню заповеди Твоя. / Лице Твое просвети на раба Твоего / и научи мя оправданием Твоим.

Да исполнятся уста моя хваления Твоего, Господи, / яко да воспою славу Твою, / весь день великолепие Твое.

43

Святый Боже, Святый Крепкий, Святый Безсмертный, помилуй нас. *Трижды.*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, *трижды.* Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Чтец: Аминь.

Яко угодник Божий верный,/ по Христове Церкви ревностию разжегся,/ бразды Валентовы удержав,/ пророчески тому о затворении Церкви пагубную смерть предрекл еси, преподобне.// Темже присно моли о нас, чтущих тя, Исаакие преподобне.

Господи, помилуй, *40.*

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многомилостиве, Многоблагодарне, Иже праведных любяй и грешных милуяй, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступная Твоея славы, яко благословен еси во веки веков, аминь.

Господи помилуй, *трижды.* Слава Отцу и Сыну и Святому Духу, и ныне и присно и во веки веков. Аминь.

Честнѣйшую Херувім / и слáвнейшую без сравнѣния Серафѣм, / без ислѣния Бóга
Слóва рóждшую, / сýщую Богорóдицу, Тя велича́ем.

И́менем Госпóдним благословѣ́, óтче.

Иерей: Бóже, ущѣдри ны и благословѣ́ ны, просветѣ́ лицѣ́ Твое́ на ны и помѣ́луй ны.

Чтец: Аминь.

Иерей: Христе, свете истинный, просвещай и освещай всякаго человека грядущаго в мир да знаменается на нас свет лица Твоего, да в нем узрим свет непреступный: и исправи стопы наша к деланию заповедей Твоих, молитвами пречистыя Твоя Матере, и всех Твоих святых, аминь.

Хор: Взбрáнной Воевóде победѣ́тельная, / я́ко избáвльшеся от злых, / благодарственная воспису́ем Ти рабѣ́ Твоѣ́, Богорóдице, / но я́ко имúщая держáву непобедѣ́мую, / от вся́ких нас бед свободѣ́, да зовѣ́м Ти; // рáдуйся, Невѣ́сто Неневѣ́стная.

Иерей: Сла́ва Тебѣ́, Христѣ́ Бóже, Уповáние нáше, сла́ва Тебе́.

Хор: Слава Отцу и Сыну и Святому Духу, и ныне и присно и во веки веков. Аминь. Господи, помилуй. *(Трижды)* Благослови.

Иерей произносит отпуст.

Хор: Великаго Господина и Отца нашего Кирилла, / Святейшаго Патриарха Московскаго и всея Руси, / Богохранимую страну нашу Российскую, / настоятеля, братию, прихожан святаго храма сего и вся православныя христианы, // Господи, сохрани их на многая лета.

НА ЛИТУРГИИ:

Тропари:

В храме Господском и Богородицы:

Тропарь храма

Тропарь дня, глас 2

Па́мьять пра́веднаго с похвала́ми, / тебе́ же довлѣ́ет свидѣ́тельство Госпóдне, Предтѣ́че: /
показа́л бо ся есѣ́ войстинну и проро́ков честнѣ́йший, / я́ко и в стру́ях крестѣ́т и
сподóбился есѣ́ Проповѣ́даннаго. / Тѣ́мже за ѣ́стину пострада́в рáдуясь, / благовестѣ́л
есѣ́ и сýщим во áде Бога, / я́вльшагося плóтию, // взѣ́млющаго грех мѣ́ра и подаю́щаго
нам ве́лию мѣ́лость.

Тропарь преподобного, глас 8

В тебе, óтче, извѣстно спасѣся ѣже по образу: / приим бо крест, последовал еси Христу,/ и дѣя учи́л еси презирати́ ѹбо плоть, преходит бо, / прилежати же о души́, вѣщи безсмертней. / Тѣмже и со ангелы срадуется, преподобне Исаа́кие, дух твой.

Кондак дня, глас 2

Проро́че Божий и Предте́че благодати, /главу́ твою́, яко шипо́к священнейший, от земли́ обрѣтше,/ исцелѣния всегда́ прие́млем, /и́бо па́ки, якоже прѣжде, //в ми́ре проповѣдуеши покая́ние.

Кондак преподобного, глас 8

Яко уго́дник Божий вѣрный,/ по Христо́ве Цѣркви ре́вностию разжѣгся,/ бразды́ Валентовы удержав,/ пророчески то́му о затворѣнии Цѣркве па́губную смерть предрѣкл еси́, преподобне.// Тѣмже присно моли́ о нас, чту́щих тя, Исаа́кие преподобне.

Слава отцу, и Сыну, и Святому Духу

Глас 8

Со святы́ми упоко́й,/ Христе́, ду́ши раб Твоих,/ иде́же несть болѣзнь, ни печаль, ни воздыха́ние, // но жизнь безконѣчная.

И ныне, и присно, и во веки веков, аминь.

Кондак храма

В храме святого:

Тропарь дня, глас 2

Па́мять пра́веднаго с похвала́ми,/ тебе же довлѣет свидѣтельство Господне, Предте́че:/ показáл бо ся еси́ воистинну и проро́ков честне́йший,/ яко и в струя́х крестит и сподобился еси́ Проповѣданнаго. /Тѣмже за и́стину пострада́в радуясь, /благовестил еси́ и сущим во а́де Бога,/ явльшагося плоти́ю, // взѣмлющаго грех ми́ра и подаю́щаго нам вѣлию ми́лость.

Тропарь храма

(Если храм Предтечи, то во не поется, так как заменяется тропарем дня)

Тропарь преподобного, глас 8

В тебе, óтче, извѣстно спасѣся ѣже по образу: / приим бо крест, последовал еси́ Христу,/ и дѣя учи́л еси́ презирати́ ѹбо плоть, преходит бо, / прилежати же о души́, вѣщи безсмертней. / Тѣмже и со ангелы срадуется, преподобне Исаа́кие, дух твой.

Кондак дня, глас 2

Проро́че Бо́жий и Предте́че благода́ти,/ главú твою́, яко шипо́к священнейший, от земли́ обрётше,/ исцелёния всегда́ приёмлем,/ и́бо па́ки, я́коже пре́жде,// в ми́ре пропове́дуеши покая́ние.

Кондак храма

(Если храм Предтечи, то во вторник кондак храма не произносится, так как заменяется дневным кондаком)

Кондак преподобного, глас 8

Я́ко уго́дник Бо́жий ве́рный,/ по Христо́ве Це́ркви ре́вностию разже́гся,/ бразды́ Ва́лентовы удержа́в,/ проро́чески то́му о затворе́нии Це́ркве па́губную смерть предрёкл еси́, преподо́бне.// Те́мже при́сно моли́ о нас, чту́щих тя, Иса́акие преподо́бне. **Слава отцу, и Сыну, и Святому Духу**

Глас 8

Со святы́ми упоко́й,/ Христо́е, ду́ши раб Твоих,/ иде́же несть боле́знь, ни печа́ль, ни воздыха́ние,// но жизнь безконече́ная.

И ныне, и присно, и во веки веков, аминь.

Глас 6

Предстательство христиан непостыдное,/ ходатайство ко Творцу непреложное,/ не презри грешных молений гласы,/ но предвари, яко Благая, на помощь нас, верно зовущих Ти;/ ускори на молитву, и потщися на умоление,// предстательствующи присно, Богородице, чтущих Тя.

Прокимны:

Прокимен, глас 7: Возвеселится праведник о Господе / и уповаet на Него.

Стих: Услыши, Боже, глас мой, внегда молити ми ся к Тебе.

Причастны:

В память вечную будет праведник, от слуха зла не убоится. Аллилу́ия. (Трижды)